

Broj: 101-1334/21
Sarajevo, 16.07.2021.

www.bhrt.ba

**PARLAMENTARNA SKUPŠTINA BOSNE I HERCEGOVINE
PREDSTAVNIČKI/ZASTUPNIČKI DOM**

n/r predsjedateljice g-đe Borjane Krišto



PRIMLJENO: 21-07-2021			
Organizaciona jedinica	Klasifikaciona oznaka	Redni broj	Broj priloga
01-50-1-15-22			21

**Predmet : Odgovor na poslaničko pitanje
veza Vaš akt broj : 01-50-1-15-22/21 od 16.06.2021.god.**

Poštovana/i,

U datom roku dostavljam odgovor na pitanje iz predmeta ovog dopisa.

Prije svega, netačni su navodi da sam „smijenio uposlenice srpske nacionalnosti u BHRT-u, Zoricu Jorgić (voditeljica) i Gordanu Dragutinović-Mutić (urednica informativnog programa), a pogotovo je netačno da sam se time „hvalio u medijima“. Kao generalni direktor javnog RTV servisa Bosne i Hercegovine smatram svojom obavezom da istinito informišem javnost, što i jeste jedna od osnovnih zadaća javnih RTV servisa.

Tačno je da sam pokrenuo disciplinski postupak protiv zaposlenica Zorice Jorgić i Gordane Dragutinović-Mutić, a Komisija će nakon provedenog postupka utvrditi da li su one odgovorne.

U svom radu postupam u skladu sa relevantnim zakonskim odredbama i opštim aktima BHRT-a. Zakon o radu i akti BHRT-a kao poslodavca, propisuju koje radnje prouzrokuju disciplinsku odgovornost, kao i način i postupak utvrđivanja iste. Rad disciplinskih Komisija BHRT-a spada u redovne radne aktivnosti, utemeljene Zakonom i opštim aktima BHRT-a.

Netačno i neprofesionalno tituliranje Armije BiH „takozvanom“ izazvalo je, između ostalog, burne reakcije gledatelja, korisnika usluga Elektroprivrede BiH koji jedini plaćaju RTV taksu od koje se finansira BHRT, što nije teško provjeriti na velikom broju web portala koji su se bavili ovom problematikom. Ove reakcije dovele su do toga da je ionako nedostatan finansiranje BHRT-a dovedeno u pitanje, što direktno ugrožava samu opstojnost BHRT-a, a samim tim i radnopravni i socijalni status 900 zaposlenika BHRT-a i njihovih porodica svih nacionalnosti.

Koristim priliku za podsjećanje da bez obzira na zakonsku odredbu da 50% od ukupnog iznosa RTV takse naplaćene na teritoriji Bosne i Hercegovine pripada BHRT-u, a od 2017.

godine na zajednički račun s kojeg se vrši raspodjela nije uplaćen niti jedan jedini pfening s područja Republike Srpske, iako RTRS uredno vrši naplatu takse u tom bosanskohercegovačkom entitetu. Trenutni dug RTRS-a prema BHRT-u po osnovu nezakonitog zadržavanja sredstava od RTV takse je nešto manji od 52 miliona KM. Naplatu pripadajućih sredstava BHRT pokušava osigurati putem sudskih procesa koji traju već godinama.

I na kraju, želim naglasiti da najoštrije osuđujem svaku prijetnju koja je, po bilo kom osnovu, upućena svakom uposleniku BHRT-a ili pripadniku novinarske zajednice uopće, bez obzira na to o kojem se mediju radi.

S poštovanjem,


Generalni direktor BHRT-a

Belmin Karamehmedović